

Fiar una di de festa cumandara.

Deu fem'andend'a dom''e mamma mia  
 cun fillu miu su mannu,  
 chi su maist''e pannu  
 hia' lassau a 'rroba scoloria.  
 Sa noa no si dd'hiar accabara.

Ahi!camenti mi ndi paria' mali  
 a ddu biri cun cuddu cappotteddu  
 istrintu, becciu. Curzu  
 chi no ddi tuppa' burzu,  
 chi no paria' nè birdi nè nieddu.  
 Nudda tenia' prus de naturali!

Ma sa di fia' sa nomin''e mammai;  
 sa festa sua dda bolemus biri.  
 -S'arroba est apparenzia....  
 Conta' prus sa presenzia....  
 E jaia no ddu castia' su bistiri:  
 castiar is corus chi scint istimai!

-Andaus, no camminas inerasau!  
 Arzia sa conca...Cammina derettu...  
 Beni, ch'intraus innoi:  
 comporaus boboi.....  
 No lasseus a jaia in abettu,  
 movi!Ddu bis ch'è mesudi toccau?

-Papa beni, accabadca!No ti lingias  
 is dirus e is murrus, chi ti binti.  
 No ses prus pipieddu!.....  
 Ne' su muccaroreddu.  
 L'impiarl.No ddu scis chi si nd'arrinti?  
 E impara, po dominigu ch'incingias.-

Cand'hapu biu(su xelu pren''e nuis  
 nieddas che sa pixi)stiddiendi.  
 Totu 'n d'unu momentu,  
 mulinaras de bentu,  
 scuriori, tronus surdus, lampendi....  
 -Curri!Dona sa manu!La' chi arruis!-

a chi hemu nau, a man'allonghiara,  
 tremendi che sa folla, a fillu miu.  
 -Pass'a fund''e su muru,  
 po essi prus siguru.  
 Custa no è prus arruga, est un arriu!  
 Cust'est un'ira de xelu abbasciara!

*Antonio...*

S'acqua benia' de facci, a istraccia.  
 Stiddius de conca colant a su zugu.  
 Isfustus cola-cola,  
 cun cudd'idea sola.....  
 Arziu 's ogus....E femus in su Brugu,  
 accant''e lomp'a dom''e mamma mia.

-Nd'har a tenni de prexiu, jaia tua!  
 Chens''e ti biri, it'hiast a tenn'un annu?  
 Dda depis imprassai  
 tot'a istrintu, basai....  
 'Nzandu dda 'ntendis:-'Ta bellu! Ta mannu!  
 Ses totu babbu tû! Sa facci sua.....

Comenti dd'assimbillas! Castia 's ogus!...-  
 -Eccu sa grux''e marmuri. Dda bis?  
 Mancu mal'è iscrarendi,  
 Tui fiasta timendi.....  
 Eccu aund'hapu biviu is primas dis.  
 Is primus prantus e is primus giogus.-

Tot'a 'na borta ('nu corp'a su coru!)  
 m'arregordar una manna sventura.  
 No isciu prus aund'andai,  
 né in palas torrai.  
 Ma ita ddi nau a custe creatura?  
 Gherru, prangiu aintru de mei. No m'accòru.

Ddi nau:-Beni cun babbu, prenda bella.  
 Beni. Sa dom''e jaia é in cudda porta.  
 E issu, pren''e allirghia,  
 imprassar a sa zia,  
 (totun'a-i-cudda ch'é in cel'arregorta)  
 de mamma mia sa sorri gemella.

Su zumi fini, su famiu lamentu  
de muschittu, ch'in seculus ha suttu  
tanti sanguni umanu po alimentu,  
citiu s'est, a pustis tanti luttu.

Issu no é prus flagellu. Iss'è pruini  
chi su bentu si porta' gioga-gioga.  
Cudd'aghixedd'a punta fini fini  
no é prus in manus de sa morti groga

annidar in is campus, in is coras,  
in paulis, istanis, logus siccus,  
cun is punturas suas traitoras,  
fendì scempiu de mannas e piticcus.

Marandulas arrubias che su fogu;  
friru che nì, su pei, ammarmurau;  
callintura chi faia' malu giogu;  
su sezzidori tot'alliagau.

Su pranu, sa funtana, s'orumari  
immoi no funti prus signal''e morti.  
S'ominà banda' cun prus libertari,  
su pipiu s'ammannia' san'e forti.

Immoi ch'est accabau tanti flagellu  
(su ch'affliggia' s'esistenza nostra),  
a-i-custu mari aici riccu, bellu,  
nascend'a vida noa, Sardu, accosta.

A su mari ch'ha donau vid'a Nora,  
a Tharros, Olbia, a Turris e Casteddu....  
Coraggiu, fraris mius, ch'é lompia s'ora  
de no pistai prus in s'ortixeddu

fattu de privazioni, patimentu,  
'nu fil''e erba, sfustu de surori;  
in gherra, fetti po su nutrimentu,  
po iras malas, annaras de isciuttori.....

Lastim''e Isula mia abbandonara!  
De seculus, bivend'in poberesi!  
Eppuru ses('ta bella) 'ngiriara  
de 'nu mari ch'é totu 'na ricchesa!

Ddu bis ch'a nudda serbi' sa tristura?  
Ddu bis chi nudda cant'conta' s'annuggiori?  
De su xinixi''e mala callintura  
nasci, arriendi, frisca che'nu frori!

A FLUMENDOSA

Is montis hant a nai:-E cuddu cantu,  
su chi sempiri s'har accumpangiau,  
aund'e poita s'har essi firmau?-  
Har a nai s'un'a s'ateru:-Ita spantu?-

-Fiar unu cantu pren''e poesia  
suavi,fini che su pensamentu,  
chi canta' sa belles''e Gennargentu.  
Su patiri de genti 'n tribulia,

s'assulitai ch'inganna' su pastori,  
su cantu de is messaius in s'argiola,  
su burrieddu girend'in sa mola,  
su pren'e isburia de binnennadori,

su friscu,s'acqua lebia de Barbagia,  
su prantu de una mamma dolorosa,  
allirgu o annuggiau,Flumendosa,  
di e notti,cantasta cun Mulargia.

-E immoi,-hant a nai Sedd''e moretta,  
Nurax'arrubiu,Su mont''e su rei,  
-poit'è chi no cantais prus de sei?-  
-Poita s'acqua no passa' prus deretta

finzas a Muravera,a Santu 'Iru,  
de su mari sa grandesa cantendi?-  
-E' sa Sardigna,ch'est a nou nascendi,  
bella ch'est un ammacchiu de sentiru!-

-hant a respundi dus fortis gigantis,  
nascius de sa sciensia moderna,  
a-i-cust'andai,crettiu cosa eterna,  
-No passis prus,-po nai-de immoi 'nnantis,

aundi causau hiasst unda mala!  
Passa 'nnoi!Consola su messaiu.  
Assistiddu 'n atongiu,arbil'e maiu  
e a dom''e genti mort''e sidi cala!-

-Bai!Cuddu pranu mannu carigna!  
Is bingias alimenta cun amori.  
Canta!Est accabau su sciuttori  
de custa bella parti de Sardigna!

De custa forti genti valorosa  
su traballu fai chi no sia' prus vanu!  
Po Trexenta,Casteddu e Campidanu  
canta,Mulargia,canta,Flumendosa!-